

二經同卷

穀九

解夏經

帝釋所問經

佛說解夏經

西天譯經三藏朝散大夫試光祿卿明教僧正法賢奉 詔譯

如是我聞一時佛在王舍城迦蘭陀竹林精

王子摩訶

舍與五百苾芻眾俱皆是阿羅漢諸漏已盡所作已辦除諸重擔速得已利盡諸有結心善解脫唯一苾芻現居學位世尊已為授記見法得法當證滿果

尔時世尊安居既滿當解夏時於十五日與苾芻眾敷座而坐會眾坐已是時佛告苾芻

眾言我今已得梵行寂靜是最後身以無上藥斷除諸病我之弟子了知諸法皆已通達是故我今說解夏法諸苾芻眾我於夏中所

有身口意業汝等可忍是時尊者舍利弗聞佛語已從座而起偏袒右肩右膝著地合掌向佛而白佛言世尊如

佛所說我今已得梵行寂靜乃至身口意業可忍者我等知佛身口意業無諸過失我等苾芻今無可忍於意云何我佛世尊難調者能調無止息者善為止息無安隱者而善安慰未寂靜者令得寂靜如來善了正道善說正道開示正道乃至我等樂聲聞菩提者佛為善說令聲聞等如理修行而證聖果是故我等於佛世尊身口意法而無可忍尔時尊者舍利弗白佛言世尊我今對佛身口意業所有不善求佛可忍佛告舍利弗汝今所有身口意業我當忍可於意云何汝舍利弗具戒多聞少欲知足斷諸煩惱發大精進安住正念具等引慧聞慧捷慧利慧出離慧了達慧廣大清淨慧甚深慧無等慧具大慧寶未見者令見未調伏者令得調伏未聞法者而為說法具瞋恚者而令歡喜能為四眾說法無倦譬如金輪王子而受灌頂繼紹王位依法而治汝舍利弗亦

復如是為我之子受灌頂法紹法王位如我所轉無上法輪如我漏盡證得解脫是故汝舍利弗所有三業我今忍可時舍利弗聞佛忍可投誠禮謝復白佛言世尊如佛為我忍可三業於此會中五百苾芻身口意業所有不善唯願世尊亦如是忍佛告舍利弗五百

教九

二

苾芻所有三業我亦可忍於意云何此五百苾芻皆是阿羅漢諸漏已盡所作已辦除諸重擔逮得已利盡諸有結心善解脫唯一苾芻現居學位而此苾芻我已授記見法得法當證滿果舍利弗是故我於五百苾芻所有三業皆悉可忍

今時舍利弗重白佛言世尊我與五百苾芻眾等所有三業佛已可忍我今有疑當復啟請願佛世尊為我分別世尊此五百苾芻中幾苾芻得三明法復幾苾芻得俱解脫復幾苾芻得慧解脫  
佛告舍利弗此五百苾芻中九十苾芻得三

明法九十苾芻得俱解脫餘者苾芻得慧解脫舍利弗如是苾芻盡諸煩惱皆住真實今時會中有一尊者名嚩儼舍作如是念我時尊者嚩儼舍作是念已從座而起偏袒右肩右膝著地合掌恭肅說伽陀曰

解夏十五日 清淨行律儀 五百苾芻眾  
悉斷煩惱縛 皆盡諸漏法 而證聖果位  
內寂外善調 解脫而離有 盡生死邊際  
所作皆已辦 無明我慢結 斷盡無有餘  
我佛最上尊 斷諸邪念法 及斷有漏法  
善除愛病苦 愛滅不復生 離取大師子

教九

三

盡諸有怖畏 唯我佛世尊 譬如金輪王  
千子常圍遶 善治四天下 調伏四海邊  
又如戰得勝 為最上調御 聲聞得三明  
離死法亦然 佛子皆如是 證滅不復生  
我今禮法主 無上大日尊  
是時嚩儼舍苾芻說此伽陀已復還本座

尔時尊者舍利弗與諸苾芻聞佛宣說解夏之法心生快利踊躍歡喜信受奉行

佛說解夏經

佛說帝釋所問經

三藏法師法賢奉 詔譯

如是我聞一時佛在摩伽陀國王舍城東菴羅園大婆羅門聚落之北毗提訶山帝釋巖中與大衆俱

尔時帝釋天主聞佛在摩伽陀國毗提訶山帝釋巖中即告五髻軋闍婆王子言汝可知

不我聞佛在摩伽陀國毗提訶山帝釋巖中我欲與汝共詣佛所親近供養是時五髻軋闍婆王子聞是語已曰帝釋言甚善天主作是言已即持琉璃寶裝筵篋隨從

帝釋時彼天衆聞帝釋天主與五髻軋闍婆王子發心往詣佛所親近供養亦各發心樂

欲隨從往詣佛所親近供養

尔時帝釋天主與五髻軋闍婆王子及彼天衆從彼天没譬如力士屈伸臂頃即到摩伽陀國毗提訶山側是時彼山忽有大光普徧照耀其山四面所有人民見彼光已互相謂言此山何故有大火然映蔽本相猶如寶山

尔時帝釋天主告五髻軋闍婆王子言汝見此山有如是殊妙色不爲佛世尊安止其中四事清淨又復此山所有堂殿悉皆寶成人所居者盡諸煩惱悉證聖果乃至大力諸天亦常止此又復告言是故我等難逢難遇如先所說親近供養今正是時汝五髻軋闍婆

教九

四

王子可以所持之樂當作供養何以故過此已往實難值遇時軋闍婆王子聞是語已白帝釋言甚善甚善說是言已即起思念諸佛如來具天耳通無遠無近皆悉能聞作此念已即動所持琉璃寶裝筵篋於其聲中而出伽陀於伽陀中說所樂事彼伽陀曰